

Morning Dogri (NSD) National News Bulletin 08-11-2024

आकाशवाणी

- महाराष्ट्र ते झारखंड च चुनां प्रचार जोरें उप्पर, एनडीए ते इंडी गठबंधन दे लीडरें बक्ख-बक्ख चुनावी रैलिंग गी संबोधत कीता।
- प्रधानमंत्री ते बीजेपी दे वरिष्ठ नेता नरेन्द्र मोदी होर अज्ज महाराष्ट्र च चुनावी रैलिंग गी संबोधत करगंन।
- राष्ट्रपति द्रौपदी मुर्मू होर अज्ज नमीं दिल्ली च केन्द्रीय सतर्कता सप्ताह गी संबोधत करगंन।
- चरुं रोजा छठ पूजा अज्ज चढदे सूरज गी अरग देने कन्नै सम्पन्न होई जाग।
- भारतीय रेलवे नै छठ पूजा मगरा यात्रिणं दे रश गी घट्ट करने लेई 500 बाद्धू रेलगड्डियां चलाइयां न।
- विदेश मंत्री डॉ. एस.जयशंकर होर अज्ज सिंगापुर च असियान भारत थिंक टैंक नेटवर्क दे 8में गोलमेज सम्मेलन गी संबोधत करगंन।
- भारत ते दक्खन अफ्रीका बश्कार अज्ज टी-20 श्रृंखला दा पैहला मैच खेड्डेआ जाग।

<><><><><><>

Campaign Maharashtra

महाराष्ट्र च चुनां प्रचार जोरे पकड़ो'रदा ऐ। सब्बै राजनीतिक इन चुनां अभियान दे माध्यमें राणं वोट हासल करने दी कोशश करा'रदे न। बीजेपी दे स्टार प्रचारकें दी सूचि दे जारी होने मगरा हुन कांग्रेस नै बी अपने स्टार प्रचारकें दी सूचि जारी करी दित्ती। महाराष्ट्र च इस म्हीने दी 20 तरीक गी 288 सीटें उप्पर मतदान होग ते वोटें दी गिनतरी 23 नवम्बी गी होग।

<><><><><><>

jharkand

झारखंड च एनडीए ते इंडी गठबंधन दे लीडरें दनें इलाकें च चुनावी रैलिंगं गी संबोधत कीता जित्थें पैहले गेड़ तैहत वोट पाए जांगन। हजारीबाग च इक चुनावी रैली गी संबोधत करदे होई बीजेपी दे वरिष्ठ लीडर ते केन्द्रीय मंत्री, अन्नपूर्णा देवी होरें दावा कीता जे झारखंड दे लोक राज्य च हेमन्त सोरेन हुंदे नेतृत्व आली सरकार थमां नां खुश न। झारखंड मुक्ती मोर्चा दी लीडर कल्पना सोरेन होरें खुन्ती च इक चुनावी रैली गी संबोधत करदे होई बीजेपी उप्पर दोष लाया जे जदू राज्य च बीजेपी सरकार दा शासन हा अदू राज्य विकास दी बत्त शा पिच्छे हटी गेआ हा। कांग्रेस, आरजेडी , एजेएसडी ते खब्बे धड़े दी पार्टिएं बी राज्य च चुनावी रैलिंगं गी संबोधत कीता।

<><><><><><>

PM-Maharashtra

प्रधानमंत्री नरेन्द्र मोदी होर अज्ज धुले ते नासिक च चुनावी रैलिंगं गी संबोधत करगंन। इक सोशल मीडिया पोस्ट च उनें गलाया जे इनें जन सभाएं च उनेंगी लोकें दा आर्शीवाद मिलोग। प्रधानमंत्री हुंदी पैहली रैली अज्ज दपैहरी 12 बजे धुले च होग। मुख्मन्त्री ते शिव सेना लीडर एकनाथ शिंदे होर महादुती मेदवार दे समर्थन च धाराशिव च इक चुनावी रैली गी संबोधत करगंन। उपमुख्मन्त्री ते एनसीपी प्रधान इजीत पवार होरें बी पुणे ते चिम्परी च चुनां रैलियां करगंन। इस्सै चाल्ली एमएनएस प्रमुख राज ठाकरे गुहागढ थमां एनसीपी प्रमुख शरद पवार, प्रभानी ते बारधा थमां जनसभाएं गी संबोधत करगंन।

<><><><><><>

ECI Polls

भारतीय चुनां आयोग नै झारखंड च विधानसभा चुनां लेई प्रचार दरान सब्बने सियासी पार्टिएं गी आदर्श आचार संहिता दा सख्ती कन्नै पालमा करने लेई गलाया ऐ। रांची च बक्ख-बक्ख राजनीतिक दलें दे प्रतिनिधिएं कन्नै बैठक दरान राज्य दे मुख्म चुनां अधिकारी के.रवि कुमार होरें झूठे वाद करियै मतदाताएं गी गुमराह् नेई करने दी सलाह दित्ती ते रैलिंगं दरान व्यक्तिगत हमले नेई करने लेई बी गलाया।

<><><><><><>

President

राष्ट्रपति द्रौपदी मुर्मू होर अज्ज नमीं दिल्ली च केन्द्रीय सतर्कता आयोग सीवीसी दे सतर्कता जागरूकता सप्ताह समारोह गी संबोधत करगंन। हर बरे सरदार वल्लभ भाई पटेल हुंदी जयंति आले हफते गी सतर्कता दे तौर पर मनाया जंदा ऐ। इस बरे एह आयोजन 22 अक्तूबर थमां 3 नवम्बर तगर कीता गेआ। इस विशे दा "सज्य निष्ठा दी संस्कृति कन्नै मुख्य दी समृद्धि सतर्कता जागरूकता सप्ताह दे कन्नै सीवीसी त्रै म्हीने दा निवारक सतर्कता अभियान बी आयोजन करना ऐ जेह्दे च केन्द्र सरकार दे सारे मंत्रालय, विभाग ते संगठन शामिल हुंदे न। एह अभियान 16 अगस्त थमां 15 नवम्बर तगर आयोजित कीता जा'रदा ऐ। समारोह दरान केन्द्रीय, सतर्कता आयोग आस्सेआ त्रै कताबां जारी कीतियां जांगन। इस मौके पर डाक मैहकमे आस्सेआ इक खास कवर बी जारी कीते जाने दी मेद ऐ।



Chhat Poja

बिहार च लोक आस्था दा महापर्व छठ पूजा श्रद्धापूर्वक मनाया जा'रदा ऐ। अज्ज उगदे सूरज गी अरग देने लेई लक्खां रद्दालु राज्य दे बक्ख-बक्ख छठ घाटें उप्पर किट्ठे होए। गंगा, गंडक, कोसी, बागमती ते होर दुइए नदिएं दे कंडे उप्पर बड्डी गिनतरी च श्रद्धालुएं सूरज देवता गी अरग दित्ता। बिहार दे इलावा देश दे दुए हिस्से झारखंड, उत्तर प्रदेश ते दिल्ली-एनसीआर दे बक्ख-बक्ख इलाकें च बी एह ध्यार श्रद्धापूर्वक मनाया जा'रदा ऐ। अज्ज अरग देने दे कन्नै गै राज्य च चऊं रोजा इस ध्यार दा समापन होई गेआ ऐ। उत्तर प्रदेश दे मुख्मन्त्री योगी आदित्यनाथ होरें कल लखनऊ च छठ पूजा च शिरकत कीती। भारतीय रेलवे नै बी छठ पूजा लेई 500 शा मतियां विशेष रेलगड्डिएं दा बंदोबस्त कीते दा ऐ तां जे लोक बिजन कुसा दिक्कत दे सफर करी सकन। रेलवे नै कल लेई 160, 10 नवम्बर लेई 161 ते 11 नवम्बर लेई 155 बाद्धू रेलगड्डियां चलाने दी योजना बनाई दी ऐ।



Jaishankar

विदेश मंत्री डॉ. एस.जयशंकर अज्ज सिंगापुर च आसियान भारत थिंक टैंक नेटवर्क दे इस गोलमेज सम्मेलन गी संबोधत करगंन।

एह कार्यक्रम विकासशील मुल्खें आस्तै अनुसंधान ते सूचना प्रणाली आस्तै आसियान भारत केन्द्र ते आईएसईएएस दूसोफ इशाक संस्थान दे आसियान अध्ययन केन्द्र आस्सेआ सांझे तौर पर आयोजित कीता जा'रदा ऐ। विदेश मंत्री होर सिंगापुर दे राष्ट्रपति थर्मन शनमुशरत्नम, प्रधानमंत्री ते वित्त मंत्री लॉरेंस वोरा ते उपप्रधानमंत्री ते बपार ते उद्योग मंत्री गान किम योंग हुंदे कन्नै मलाटी करगंन। ओह रक्षा मंत्री डॉ. एनगी इंग हेन ते विदेश मंत्री विवियन बाला कृष्णन हुंदे कन्नै बी मलाटी करगंन। विदेश मंत्रालय नै आखेआ ऐ जे डॉ. जयशंकर हुंदी एह यात्रा सिंगापुर ते भारत बश्कार डूहगे ते लम्मी अवधि आले दपक्खी सरबंधें गी दर्शादा ऐ।

<><><><><><>

IMHF

अज्ज नमीं दिल्ली च सलाना भारतीय सैन्य विरासत महोत्सव आईएमएचएफ दा झूआ गेड शुरु होन जा'रदा ऐ। दऊं रोजा इस महोत्सव दा उद्देश्य वैश्विक सार्वजनिक ते निजी क्षेत्र दे उपक्रमें, गैर लाभकारी संस्थाएं, शिक्षाविदे ते शोध विद्वाने गी भारत दा राष्ट्रीय सुरक्षा, विदेश नीति, सैन्य इतिहास ते सैन्य विरासत उप्पर ध्यान केन्द्रत करने लेई शामिल करना ऐ।

<><><><><><>

Delhi

दिल्ली-एनसीआर च ब्हाऊ दी गुणवत्ता आला सूचकांक एक्यूआई बेहद खराब श्रेणी च बने दा ऐ। प्रदूषण नियंत्रण बोर्ड मूतब अज्ज बडलै दिल्ली च एक्यूआई 3-4 दर्ज कीता गेआ। मोसम विभाग नै अगले 2-3 दिन दिल्ली ते राष्ट्रीय राजधानी आले क्षेत्र च बडलै ते रातीं दे समें दरान धुंध ते कोहरा छाए रौहने दी मेद जताई ऐ। प्रदूषण नियंत्रण बोर्ड मूजब दिल्ली दे किश हिस्सें रू एक्यूआई 400 गी पार करदे होई गंभीर सतह पर पुज्जी गेआ ऐ। आनंद बिहार च एक्यूआई 416, रोहिणी च 440, अशोक बिहार च 420, न्यू मोती बाग दा 429, पंजाबी बाग दा 405 ते नेहरू नगर दा एक्यूआई 412 दर्ज कीता गेआ ऐ।

<><><><><><>

Cricket

भारत ते दक्खन अफ्रीका बश्कार 4 टी-20 क्रिकेट मैचें दी श्रृंखला दा पैहला मैच डरबन दे किंग्समीड च खेड्डेआ जाग। एह मैच भारतीय समें मूजब रातीं साढे 8 बजे शुरु होग।

दूआ मैच ऐतवारें गकेबेरा दे सेंट जॉर्ज पार्क च खेड्डेआ जाग । त्रीआ मैच सैन्चुरियन च ते चौथा ते खीरला मैच जोहान्सबर्ग च खेड्डेआ जाग ।

<><><><><><>